



佛說十善業道經簡註易解

2

2

代序 乙酉(2005)新年獻禮

尊敬的同修們：

大家新年好！這些年來，我們將愛送到全世界，期望人人能學會愛人、愛眾生。愛，從心、從受。以真心感受為義。真誠心的感受就是愛。心包太虛量周沙界，落實在世間，即是弟子規。落實在佛法，即是十善業道。

故慈悲遍法界，善意滿娑婆。亦即是十善業道遍法界，弟子規教滿娑婆。
愛就是十善業道的圓滿落實。

愛就是弟子規的圓滿落實。

愛就是真心、真性、真如、法性。

愛就是本性、本善。純淨、純善。


愛就是真理、真諦、生命、永恆。

愛就是神聖、上帝、真主、聖靈。

愛孕育出宇宙萬物，天地萬物，無一不是從愛心而生而長。

愛是萬德萬能萬福的根源。

一切佛聖所證所得，即是自愛，二種落實。



一切佛聖所教所化，即是愛他，二種落實。

一切聖賢的教化，就是真誠愛心十善業道生活規範的教育。

三災是果，三毒是因。

水災是果，貪慾是因。火災是果，瞋恚是因。

風災是果，愚痴是因。地震是果，傲慢是因。

勤修戒定慧 息滅貪瞋痴

心平氣和 災難自息

真誠愛心，無毫分不善夾雜，自然不起三災諸難。

三學（戒定慧）增上，愛心現前，自然百福駢臻，千祥雲集。

願我同倫特重十善業道及弟子規的認知與學習，務必百分之百的圓滿落實。

此乃化解一切災難之根本修行大法！ 祝你

歲歲平安 諸惡莫作 年年如意 眾善奉行

釋淨空敬賀

目錄

代序 乙酉(2005)新年獻禮	3
【雍正皇帝上諭節要】	7
【佛說十善業道經】	18



2

3

佛說十善業道經簡註易解

唐于闐國三藏法師實叉難陀譯
佛陀教育網路學院學生註解
淨空法師親自鑑定

此《十善業道經簡註易解》，為佛陀教育網路學院九位學生，依據淨空老和尚《十善業道經講記》所作，並敬呈淨空老和尚鑑定，以成此書，供養讀者。（經文採用《大正藏》版本。）

【雍正皇帝上諭節要】

雍正皇帝上諭

諭上諭 朕惟三教之覺民於海內也。
理同出於一原。道並行而不悖。

1723-1736

2


3

諭 人惟不能豁然貫通。於是人各異心。
。心各異見。慕道者謂佛不如道之
尊。向佛者謂道不如佛之大。而儒者
又兼辟二氏以為異端。懷挾私心。
紛爭角勝而不相下。

諭朕以持三教之論。亦惟得其平而已矣。
。能得其平。則外略形跡之異。
內證性理之同。而知三教初無異
旨。無非欲人同歸於善。

諭 夫佛氏之五戒十善。導人於善也。
吾儒之五常百行。誘掖獎勸。有
一不引人為善者哉。





諭 昔宋文帝（1）。問侍中何尚之曰
（2）。六經本是濟俗（3）。若性
靈真要（4）。則以佛經為指南。如
率土之民。皆淳此化。則吾坐致太平
矣。

453

407

424


諭何尚之對曰。百家之鄉。十人持五戒。
則十人淳謹。千室之邑。百人持
十善。則百人和睦。持此風教。以周
寰區。則編戶億千。仁人百萬。而

能行一善。則去一惡。去一惡。則息一刑。一刑息於家。萬刑息於國。洵乎可以垂拱坐致太平矣。



諭斯言也。蓋以勸善者。治天下之要道也。而佛教之化貪吝。誘賢良。其旨亦本於此。苟信而從之。洵可以型方訓俗。而為致君澤民之大助。其任意詆毀。妄捏為楊墨之道之論者。皆未見顏色。失平之瞽說也。特諭。





【佛說十善業道經】

經題

佛說十善業道經



人題

唐三藏法師實叉難陀譯



正釋經文

經如是我聞。一時。佛在娑竭羅龍宮。與八千大比丘眾。三萬二千菩薩摩訶薩俱。



經爾時世尊。告龍王言。一切眾生。

心想異故。造業亦異。由是故有諸趣輪轉。

經龍王。汝見此會。及大海中。形色種類。各別不耶。如是一切。靡不由心造善不善。身業語業意業所致。



經而心無色。不可見取但是虛妄。

諸法集起。畢竟無主。無我我所。

雖各隨業。所現不同。而實於中。

無有作者。故一切法。皆不思議。



o

o

經 自性如幻。智者知已。應修善業。

以是所生蘊處界等。皆悉端正。見者無厭。

經龍王。汝觀佛身。從百千億福德所生

。諸相莊嚴光明顯曜。蔽諸大眾。

設無量億自在梵王。悉不復現。其

有瞻仰。如來身者。莫不自眩。




經汝又觀此。諸大菩薩。妙色嚴淨。
一切皆由修集善業福德而生。

。

經又諸天龍八部眾等。大威勢者。

亦因善業福德所生。

睽



經今大海中。所有眾生。形色麤鄙。
或大或小。皆由自心。種種想念。作。

身語意。諸不善業。是故隨業。各自受報。

經汝今當應。如是修學。亦令眾生了達



因果。修習善業。汝當於此。正見
不動。勿復墮在斷常見中。於諸
福田。歡喜敬養。是故汝等。亦得
人天尊敬供養。

經龍王當知。菩薩有一法。能斷一切諸惡道苦。何等為一。謂於晝夜常念思惟。觀察善法。令諸善法。念念增長。不容毫分。不善間雜。是即能令諸惡永斷。善法圓滿。常得親近諸佛菩薩及餘聖眾。



經言善法者。謂人天身。聲聞菩提。
獨覺菩提。無上菩提。皆依此法。
以為根本。而得成就。故名善法。

經此法即是。十善業道。何等為十。謂
能永離殺生。偷盜。邪行。妄語。兩
舌。惡口。綺語。貪欲。瞋恚。邪見。



經龍王。若離殺生。即得成就十離惱法。何等為十。一。於諸眾生普施無畏。二。常於眾生起大慈心。三。永斷一切瞋恚習氣。四。身常無病。五。壽命長遠。六。恒為非人之所守護。七。常無惡夢。寢覺快樂。八。滅除怨結。眾怨自解。九。無惡道怖。十。命終生天。若能迴向阿耨多羅三藐三菩提者。後成佛時。得佛隨心。

自在壽命。



經復次龍王。若離偷盜。即得十種可保
信法。何等為十。一者。資財盈積。
王賊水火及非愛子。不能散滅。二。
多人愛念。三。人不欺負。四。十方
讚美。五。不憂損害。六。善名流布。
七。處眾無畏。八。財命色力安樂。
辯才具足無缺。九。常懷施意。十。
命終生天。是為十。若能迴向阿耨多

羅三藐三菩提者。後成佛時。得證清
淨大菩提智。



經復次龍王，若離邪行，即得四種智所讚法。何等為四。一、諸根調順。二、永離諍掉。三、世所稱歎。四、妻莫能侵。是為四。若能迴向阿耨多羅三藐三菩提者，後成佛時，得佛丈夫隱密藏相。

經復次龍王，若離妄語，即得八種天所讚法。何等為八？一、口常清淨，優鉢華香。二。為諸世間之所信伏。



三。發言成證。人天敬愛。四。常以
愛語。安慰眾生。五。得勝意樂。
三業清淨。六。言無誤失。心常歡喜。
七。發言尊重。人天奉行。八。智慧
殊勝，無能制伏。是為八。若能迴向
阿耨多羅三藐三菩提者。後成佛時。
即得如來真實語。

經復次龍王。若離兩舌。即得五種不可
壞法。何等為五。一。得不壞身。無
能害故。二。得不壞眷屬。無能破故。
三。得不壞信順本業故。四。得不



壞法行。所修堅固故。五。得不壞善
知識。不誑惑故。是為五。若能迴
向阿耨多羅三藐三菩提者。後成佛
時。得正眷屬。諸魔外道不能沮壞
。

經復次龍王。若離惡口。即得成就八種淨業。何等為八。一。言不乖度。二。言皆利益。三。言必契理。四。言詞美妙。五。言可承領。六。言則信用。七。言無可譏。八。言盡愛樂。是為八。若能迴向阿耨多羅三藐三菩提者。後成佛時。具足如來梵音聲相。




經復次龍王。若離綺語。即得成就三種
決定。何等為三。一。定為智人所愛。

授記：佛經體裁之

二。定能以智如實答問。三。定於人
天威德最勝。無有虛妄。是為三。若
能迴向阿耨多羅三藐三菩提者。後成
佛時。即得如來諸所授記。皆不唐
捐。



經復次龍王。若離貪欲。即得成就五種自在。何等為五。一。三業自在。諸根具足故。二。財物自在。一切怨賊不奪故。三。福德自在。隨心所欲。物皆備故。四。王位自在。珍奇妙物。皆奉獻故。五。所獲之物。過本所求。百倍殊勝。由於昔時。不慳嫉故。是為五。若能迴向阿耨多羅三藐三菩提者。後成佛時。三界特尊。皆共敬養。




經復次龍王。若離瞋恚。即得八種喜悅心法。何等為八。一。無損惱心。二。無瞋恚心。三。無諍訟心。四。柔和質直心。五。得聖者慈心。六。常作利益安眾生心。七。身相端嚴。眾共尊敬。八。以和忍故。速生梵世。是為八。若能迴向阿耨多羅三藐三菩提者。後成佛時。得無礙心。觀者無厭。

經復次龍王。若離邪見。即得成就十功德法。何等為十。一。得真善意樂。真善等侶。二。深信因果。寧殞身命。



終不作惡。三。惟歸依佛。非餘天等。四。直心正見。永離一切吉凶疑網。五。常生人天。不更惡道。六。無量福慧。轉轉增勝。七。永離邪道。行於聖道。八。不起身見。捨諸惡業。九。住無礙見。十。不墮諸難。是為十。若能迴向阿耨多羅三藐三菩提者。後成佛時。速證一切佛法。成就自在神通。

經爾時世尊。復告龍王言。若有菩薩。
依此善業。於修道時。能離殺害。
而行施故。常富財寶。無能侵奪。



長壽無夭。不為一切怨賊損害。

經離不與取。而行施故。常富財寶。

無能侵奪。最勝無比。悉能備集。諸
佛法藏。

經 離非梵行。而行施故。常富財寶。

無能侵奪。其家直順。母及妻子。

無有能以欲心視者。



經 離虛誑語。而行施故。常富財寶。
無能侵奪。離眾毀謗。攝持正法。
如其誓願。所作必果。

經離離間語。而行施故。常富財寶。

無能侵奪。眷屬和睦。同一志樂。恆
無乖諍。

經離離惡語。而行施故。常富財寶。

無能侵奪。一切眾會。歡喜歸依。
言皆信受。無違拒者。




經離無義語。而行施故。常富財寶。

無能侵奪。言不虛設。人皆敬受。能
善方便。斷諸疑惑。

經離貪求心。而行施故。常富財寶。無
能侵奪。一切所有。悉以慧捨。信
解堅固。具大威力。

經離忿怒心。而行施故。常富財寶。無




能侵奪。速自成就。無礙心智。諸根
嚴好。見皆敬愛。

經離邪倒心。而行施故。常富財寶。
無能侵奪。恒生正見。敬信之家。見
佛聞法。供養眾僧。常不忘失。大菩

提心

。



經是為大士修菩薩道時。行十善業。
以施莊嚴。所獲大利如是。

經龍王。舉要言之。行十善道。以戒莊
嚴故。能生一切佛法義利。滿足

大願。

經忍辱莊嚴故。得佛圓音。具眾相好。



經精進莊嚴故。能破魔怨。入佛法藏。

經定莊嚴故。

。能生念慧。

。慚愧輕安。

經慧莊嚴故。

。能斷一切分別妄見。

。



經慈莊嚴故


。於諸眾生。不起惱害。

經悲莊嚴故

。憫諸眾生。常不厭捨。

經喜莊嚴故

。見修善者。心無嫌嫉。



經捨莊嚴故

。於順違境。無愛恚心。

經四攝莊嚴故

。常勤攝化一切眾生。

經念處莊嚴故

。善能修習四念處觀

。




經正勤莊嚴故。悉能斷除一切不善法。
。成一切善法。

經神足莊嚴故。恒令身心輕安快樂。

經五根莊嚴故。深信堅固。精勤匪懈。





常無迷妄，寂然調順。
。斷諸煩惱。

經力莊嚴故。
。眾怨盡滅。
。無能壞者。

經覺支莊嚴故。常善覺悟一切諸法。



經正道莊嚴故

。得正智慧。常現在前。

經止莊嚴故。悉能滌除一切結使。

。



經觀

莊嚴故。能如實知。諸法自性。

經方便莊嚴故。

速得成滿。為無為樂。

經龍王，當知此十善業。乃至能令十力
。無畏。十八不共。一切佛法。
皆得圓滿。是故汝等應勤修學。





經龍王，譬如一切城邑聚落。皆依大地
而得安住。一切藥草卉木叢林。亦皆
依地而得生長。此十善道。亦復如是。

一切人天。依之而立。一切聲聞。獨
覺菩提。諸菩薩行。一切佛法。咸
共依此十善大地。而得成就。

經佛說此經已，娑竭羅龍王及諸大眾，





一切世間天人阿修羅等，皆大歡喜，
信受奉行。
